



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
ՈՒ ՊԵՏՐՈՍՅԱՆ

« 17 » 11 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՅՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000110

Ձեռնարկողը՝

Քաղաքացի Էդուարդ Հովհաննիսյան

ք. Երևան, Նազարբեկյան թաղամաս հ.44/3

Գործունեությունը՝ Աջափնյակ վարչական շրջանի Նազարբեկյան թաղամաս
հ.44/3 հասցեում նախատեսվող բազմաբնակարան բնակելի
համալիրի կառուցման շրջակա միջավայրի վրա ազդեցության
նախնական գնահատման հայտ
քաղաք Երևան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 000110

<< 17 >> 11 2020թ.

**Երևան քաղաքի Աջափնյակ վարչական շրջան, Նազարբեկյան
թաղամաս հ.44/3 հասցեում բազմաբնակարան բնակելի համալիրի
կառուցման շրջանի շրջակա միջավայրի վրա ազդեցության նախնական
գնահատման հայտ**

Ձեռնարկող՝ քաղաքացի Էդուարդ Հովհաննիսյան

Ներկայացված նյութեր՝ Նախնական գնահատման հայտ
Գ կատեգորիա

Տեղադրման վայրը՝ Երևան համայնք, Աջափնյակ վարչական
շրջան

Ներածական մաս

Ըստ նախագծի բազմաֆունկցիոնալ բնակելի համալիրի կառուցումը քաղաքացի Էդուարդ Հովհաննիսյանի կողմից նախատեսվում է իրականացնել Երևան քաղաքի Աջափնյակ վարչական շրջանի Նազարբեկյան թաղամաս հ.44/3 հասցեում:

Համաձայն նախնական գնահատման հայտի նախատեսվող բազմաբնակարան բնակելի համալիրը կառուցվելու է անշարժ գույքի սեփականության իրավունք ունեցող 5883.13մ² ընդհանուր մակերեսով հողամասում՝ Երևանի քաղաքապետարանի կողմից տրված ճարտարապետահատակագծային առաջադրանքի հիման վրա:

Հողամասի նպատակային նշանակությունը բնակավայրերի է, իսկ գործառնականը՝ հասարակական կառուցապատման: Գործունեության նպատակը բնակելի շենքի կառուցումն է:

Նախատեսվող գործունեությունը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 7-րդ կետի ա. ենթակետի հանդիսանում է Գ կատեգորիայի գործունեության տեսակ:

Նկարագրական մաս.

Գործունեության ենթակա տարածքը գտնվում է Աջափնյակ վարչական շրջանում, Նազարբեկյան թաղամաս հ.44/3 հասցեում և իրենից ներկայացնում է կառուցապատված տարածք, որում առկա են միահարկ շենք շինություններ 259.9մ² մակերեսով: Հողատարածքին կից գտնվում են Նազարբեկյան թաղամասի ներթաղամասային փողոցները, բնակելի և օժանդակ կառույցներով ծանրաբեռնված և կառուցապատումից ազատ հողամասերը:

Հողատարածքի վրա նախատեսվում է կառուցել 3 շինություն՝ 2 բնակելի շենք և մուտք դեպի ավտոկայանատեղի, որը տեղակայված է երկու շենքերի միջև:



Ավտոկայանատեղի բարձրությունը գրունտից կազմում է 2.75մ: Բնակելի շենքերը բաղկացած են 18 վերգետնյա, 2 ստորգետնյա հարկերից: Շենքերի միջև ընկած հեռավորությունը կազմում է 27.3մ: Կարկասը իրենից ներկայացնում է միաձույլ Ե/Բ կոնստրուկցիա: Ստորգետնյա երկու հարկերը նախատեսվում են որպես ավտոկայանատեղի՝ ամեն հարկում 26 ավտոմեքենայի համար՝ ընդհանուր 52 ավտոմեքենա: Ընդհանուր երկու շենքի ստորգետնյա ավտոկայանատեղերը նախատեսվում է 104 միավոր մեքենայի համար:

Ստորգետնյա ավտոկայանատեղի մոտենալու ճանապարհը կազմակերպված է շենքերից դուրս սկսվող ուղիղ թեքահարթակով, այնուհետև պտտվելով իջնում է մինչև -4.45մ և ապա՝ 8.05մ նիշերը: Ավտոկայանատեղի իջնող մուտքը առանձին կառույց է՝ մոնոլիտ կոնստրուկցիայով: Շենքերի առաջին հարկում նախագծված է երկու առանձին հասարակական տարածքներ՝ իրենց առանձին մուտքերով: Տարածքներն ունեն մի քանի մուտքի հնարավորություն իրենց պատկանող ճակատներից, որը հետագայում հնարավորություն կտա սրահները բաժանել մի քանի ավելի փոքր տարածքների: Հասարակական երկու տարածքը իրարից բաժանում է շենքի շքամուտքը, որն ամբողջությամբ առանձնացված է և ունի երկու մուտքի և ելքի հնարավորություն: Զուգահեռ ճակատներից, նախատեսվում է նաև մեկ ելքի հնարավորություն դեպի առաջին հարկ իջնող աստիճանավանդակի հարթակի նիշից՝ որպես տարհանման հնարավորություն: Երկու շենքերն էլ միանման են և ունեն բնակելի 17 հարկ: 3.90-9.90 նիշերում տեղակայված են 6 բնակարան, իսկ 12.90-51.90 նիշերում 4 բնակարանով հարկեր:

Յուրաքանչյուր շենքում նախատեսվում է 74 բնակարան, ընդհանուր՝ 148 բնակարան: Բոլոր բնակարանները ունեն բաց պատշգամբ, որոնք նաև կարող են ծառայել օդակարգավորիչ սարքերը տեղադրելու համար, որպեսզի շենքի ճակատների վրա բնակիչներն իրավունք չունենան դրանք ամրացնելու: Շենքն ունի ևս մեկ հարկ՝ 54.90մ նիշի վրա, որը բնակելի չէ, այլ ծառայելու է շենքի տեխնիկական սպասարկման համար և համարվելու է տեխնիկական հարկ: Տվյալ տարածքներից կազմակերպված է ելք՝ դեպի տանիք, որը նույնպես նախատեսված է կանաչապատել խոտածածկով, նույնիսկ հողե տարաներով տնկել ծառեր, որոնք փողոցից երևալով ավելի քան էսթետիկ տեսք կտան շենքին:

Շենքերի ճակատները նախատեսված է երեսպատել երեք տեսակի քարերով: Առաջին հարկը մինչ 3.90մ նիշը երեսպատել բազալտե քարերով, իսկ դրանից վերև տրավերտինով, որոշ մասեր սև տուֆով, որը ավելի կընդգծի կոնսուլային ֆորմաները՝ շենքին տալով ավելի էլեգանտ տեսք:

Շինարարական աշխատանքների ավարտից հետո նախատեսվում է տարածքը բարեկարգել և կանաչապատել:

Կանաչապատ տարածքների ոռոգումն իրականացվելու է միանալով Երևան քաղաքի ոռոգման ցանցին (շինարարական աշխատանքների ավարտից հետո պայմանագրային հիմունքներով):

Տարածքում առկա է քանդման ենթակա ցածրահարկ շինություններ, քանոնից և շինարարության ընթացքում առաջացող շինարարական աղբը՝ 526մ³ ծավալով կտեղափոխվի շինարարական թափոնների աղբավայր, որի համար Երևանի քաղաքապետարանից կստացվի համապատասխան թույլտվություն:



Շինարարության նորմատիվ տեղեկությունը որոշվել է համաձայն (N596-Ն 19.03.2015թ. ՀՀ Կառավարության որոշում կետ 111, 113) ՍՆԻՊ 1.04.03-85* մաս II, հաշվի առնելով օբյեկտի նշանակությունը, կոնստրուկտիվ բնութագիրը, ընդհանուր մակերեսը: Օբյեկտի ընդհանուր համալիրի շինարարության նորմատիվ տեղեկությունը ծրագրվում է 64,0 ամիս շինարարական աշխատանքների կատարման համար թույլտվության տրամադրման օրվանից:

Շինարարությունը ենթադրվում է իրականացնել կապալային եղանակով: Շենքի միացումը արտաքին ինժեներական ցանցերին կկատարվի մասնագիտացված շինմոնտաժային կազմակերպությունների կողմից:

Ավտոճանապարհների, հրապարակների և մայթերի կառուցումը կկատարվի մասնագիտացված շինմոնտաժային կազմակերպությունների կողմից:

Շինմոնտաժային աշխատանքների իրականացման տեխնոլոգիայի տեսանկյունից շինարարությունը կարելի է իրականացնել ավանդական եղանակներով՝ կիրառելով շինարարական կազմակերպության սեփական շինարարական մեքենաները և մեխանիզմները, իսկ բացակայության դեպքում, վարձակալել դրանք այլ կազմակերպություններից:

Հիմնական շինարարական տեխնիկայի պահանջարկը որոշվում է աշխատանքների ծավալների, մեխանիզմների և մեքենաների միջին արտադրողականության և աշխատանքների կատարման ընտրված եղանակների հիման վրա:

Հիմնական մեքենաներ և մեխանիզմներ՝ աշտարակային վերամբարձ կոունկ TEREX CTT 91-TS12, ավտովերամբարձ կոունկ KC-65713-1, բեռնատար ավտոբետոնախառնիչ C5-695, բեռնատար ինքնաթափ MA3 5550, շարժական կոմպրեսոր ЗИФ – 55В, բուլդոզեր KOMATSU D37-EX-22, էքսկավատոր Hyundai 170W:

Շինարարության ընթացքում բնառեսուրսներից օգտագործվելու է ջուր՝ տարածքների, հողի (գրունտի) ջրցանի, շինանձնակազմի խմելու և կենցաղային կարիքների համար:

Նախատեսվող գործունեության ջրամատակարարումը և ջրահեռացումը իրականացվելու է համաձայն տեխնիկական պայմանի՝ միանալով «Վեոլիա Ջուր» ՓԲԸ D=200 մմ ջրագծին և D=600մմ կոյուղատարին:

Շենքերի էլեկտրամատակարարումն իրականացվելու է համաձայն «Հայաստանի էլեկտրական ցանցեր» ՓԲԸ կողմից տրված տեխնիկական պայմանի:

Շահագործման փուլում շենքերի գազաֆիկացումն իրականացվելու է համաձայն «Գազարոմ Արմենիա» ՓԲԸ-ի կողմից տրված տեխնիկական պայմանների:

Նախագծով նախատեսված շինարարական աշխատանքների ավարտից հետո կառուցապատումից ազատ տարածքը պետք է բարեկարգվի և կանաչապատվի՝ 2355մ² մակերեսով:

Կանաչապատման համար բուսահողը Երևանի քաղաքապետարանի հետ համաձայնեցված կբերվի կառուցապատվող հողամաս անմիջապես օգտագործումից առաջ և ժամանակավոր կծածկվի պաշտպանիչ թաղանթով:

Ծառերի և թփերի տնկման աշխատանքները կիրականացվեն Երևանի քաղաքապետարանի հետ համաձայնեցված՝ կանաչապատման նախագծին համապատասխան: Ոռոգումն իրականացվելու է տարածքի հարևանության գոյություն ունեցող ոռոգման ցանցից՝ կնքվելիք պայմանագրի համաձայն: Տարածքում



նախատեսվում է տնկել թխկի՝ 2 հատ, գնդաձև իլենի՝ 10 հատ, գնդաձև սամշիտ՝ 4 հատ, կատալպա՝ 14 հատ, ձիականկ՝ 10 հատ, սյունաձև թույա՝ 12 հատ, փոփող գիհի՝ 6 հատ, ասպիրակ՝ 10 հատ, ֆորգիցիա՝ 6 հատ:

Այն տեղամասերում, որտեղ առկա են հնարավոր ազդեցություններ, տնկված ծառաթփուտային բուսականության բարձր աճը և կաչողականությունն ապահովելու նպատակով նախատեսվում է իրականացնել մոնիթորինգ: Կանաչապատման համար անհրաժեշտ բուսահողի ձեռքբերումը, տեղափոխումը և օգտագործումն իրականացվելու է ՀՀ-ում գործող օրենսդրության պահանջներին համապատասխան:

Նախատեսվող գործունեության կատարման ժամանակ լինելու են շրջակա միջավայրի վրա ազդեցություններ, որոնք հիմնականում կապված կլինեն հողային ու բետոնային աշխատանքների, հողային զանգվածների և թափոնների տեղափոխման, նյութերի օգտագործման, շինարարական տեխնիկայի ու մեխանիզմների շահագործման, ճանապարհների ծանրաբեռնվածության, արտակարգ իրավիճակների առաջացման հետ:

Համաձայն նախնական գնահատման հայտի նախատեսվում են օդային ավազանի, հողային և ջրային ռեսուրսների աղտոտումից պահպանման, դրանց արդյունավետ օգտագործման, թափոնների կառավարման, աղմուկի մակարդակի ու արտակարգ իրավիճակների ռիսկի նվազեցմանն ուղղված բնապահպանական միջոցառումներ, որոնք ներառված են միջոցառումների ծրագրում և մոնիթորինգի պլանում, այդ թվում՝

- բոլոր մակերեսներների, այդ թվում՝ ժամանակավոր օգտագործված տարածքների վերականգնում են մինչև սկզբնական վիճակի,
- շինարարական աշխատանքների /փոշեգոյացնող աշխատանքներ/ ընթացքում իրականացվելու է ջրցանում,
- պարբերաբար ստուգվելու է շինարարական տեխնիկայի և փոխադրամիջոցների տեխնիկական վիճակը և իրականացվելու է կարգավորում,
- շինարարական նյութերի (հատկապես սորուն շինարարական նյութերի դեպքում, ինչպիսիք են ավազը, խիճը, հողը և այլն) տեղափոխումը իրականացվելու է փակ ծածկով մեքենաներով,
- սորուն նյութերի պահեստները ծածկվելու է համապատասխան բարձրությամբ թաղանթով, ինչը կանխելու է փոշու տարածումը,
- շինարարական աշխատանքների ժամանակ շենքը ծածկվելու է փոշու տարածումը կանխող համապատասխան ցանցով,
- ջրցանի ծավալները հաշվարկվելու է այնպես, որ չառաջանա մակերևութային հոսքեր և ջուրը բավականացնի միայն փոշենստեցման համար,
- շինարարական նյութերը կուտակվելու են բետոնապատ մակերեսի վրա,
- շինարարական գործընացներում ներգրավված տեխնիկայից նավթամթերքի արտահոսքի հավանականությունը նվազեցնելու նպատակով, այդ տարածքներում կապահովվի սարքավորումների և մեքենաների պատշաճ տեխնիկական վիճակ, ինչպես նաև կներգրավվի ժամանակակից տեխնիկական միջոցներ,
- աշխատանքների ավարտից հետո մաքրվելու են բոլոր տարածքները և առաջացած թափոնները տեղափոխվելու են տեղական ինքնակառավարման մարմնի կողմից հատկացված աղբավայր,



Օրենսդրությամբ սահմանված կարգով Երևան քաղաքում իրականացվել են հանրային քննարկումներ, որի ընթացքում հանրությունը դրական է արտահայտվել նախատեսվող գործունեության վերաբերյալ:

Փորձաքննական պահանջներ

1. Շինարարական աշխատանքների իրականացման ընթացքում անհրաժեշտ է հետևել նախնական գնահատման հայտով ամրագրված բնապահպանական միջոցառումների կատարմանը, իսկ դրանց չբավարարման դեպքում՝ նախատեսել բնապահպանական և շինարարական նորմերի պահպանմանն ուղղված լրացուցիչ միջոցառումներ:
2. Նախատեսվող շինարարական աշխատանքներն անհրաժեշտ է կատարել օրվա սահմանված ժամերին՝ հնարավորինս նվազագույնի հասցնելով բնակելի տարածքներում աղմուկի և ճանապարհների բեռնվածությունը:
3. Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:
4. Նախատեսվող գործունեության իրականացման ընթացքում պահպանել արտակարգ իրավիճակների և աշխատանքի անվտանգության ՀՀ օրենսդրությամբ սահմանված նորմերն ու կանոնները՝ համաձայն ՀՀ առողջապահության նախարարի 2017թ. մարտի 28-ի թիվ 12-Ն հրամանի պահանջների:
5. Էլեկտրահաղորդիչ գծերի, խմելու ջրի խողովակաշարի կամ այլ չնախատեսված կոմունիկացիաների հետ հատման հատվածներում շինարարական աշխատանքներն իրականացնել համապատասխան մարմինների թույլատվությամբ:
6. Ապահովել հայտով ամրագրված կանաչապատման աշխատանքների իրականացումը: Կանաչապատման աշխատանքներ իրականացնող կազմակերպությունը պետք է հետևողական լինի տնկված ծառերի աճի և խնամքի համար, իրականացնի աճի և կաչողականության գնումներ,
7. Իրականացնել շինհրապարակի որակի, բանվորական հագուստի կուլտուրայի, անվտանգության կանոնների պահպանմանն ուղղված մշտադիտարկում:
8. Ժամանակավոր պարսպապատել շինարարական հրապարակը, իսկ կառուցվող շենքերը և շինությունները պարփակել շինարարությանը համապատասխան բարձրության ցանցով:
9. Լվանալ շինարարական հրապարակից դուրս եկող ավտոմեքենաների անվադողերը, իսկ կեղտաջրերը հեռացնել՝ միացնելով ջրահեռացման ցանցին:
10. Շինարարական աշխատանքների ժամանակ անհրաժեշտ է պատշաճ կերպով իրականացնել ջրցանման աշխատանքները, նվազագույնի հասցնելով փոշու առաջացումը:
11. Համաձայն ՀՀ կառավարության 2002 թվականի ապրիլի 20-ի N 438 որոշման 43-րդ կետի «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ օբյեկտների արժեք ունեցող հնագիտական և մյուս օբյեկտների հայտնաբերման պահին պարտավոր են դադարեցնել աշխատանքները և դրա մասին անհապաղ հայտնի լինող դեպքում մարմնին:»



ԵԶՐԱՓԱԿԻՉ ՄԱՍ

Քաղաքացի Էդուարդ Հովհաննիսյանի կողմից ներկայացված Երևան քաղաքի Աջափնյակ վարչական շրջանի Նազարբեկյան թաղամաս հ.44/3 հասցեում բազմաբնակարան բնակելի համալիրի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր պահպանման պայմանով:

Տնօրենի տեղակալ՝

Գլխավոր մասնագետ՝



Գ. Գևորգյան

Յու. Մատինյան